



# Ալեքսանդր Ճատուրյան

## Անքուն գիշեր

Խորին գիշեր է: Բուռն տենչանքով  
Ես քուն եմ խնդրում, քուն չկա աչքիս.  
Բարձրս թրջում եմ աղի՛ արցունքով,  
Այնքա՛ն հուզված է ցավատանջ հոգիս:

Եվ շուրջս տիրած թանձր խավարում  
Ծանր խոկումներ, դառն զգացումներ  
Ճնշում եմ հոգիս, միտքս պաշարում,  
Եվ հանդես բերում ահեղ տեսիլներ:

Տեսնում եմ արյուն, դժոխքի տանջանք  
Ոտնակոխ եղած հայրենի երկրում.  
Ապիկա՛ր բողոք, անհո՛ւյս աղերսանք,  
Արնաներկ տապար դահիճի ձեռում...

Եվ սիրտ մորմոքող լաց, կոծ, աղաղակ  
Արյուն ու հրդեհ, անգութ ավերած  
Բռնել է ն՛ գյուղ, ն՛ շեն. ն՛ քաղաք.  
Եվ լուո՛ երկնքից նայում է աստված...

Եվ դու վիզ ճրկած, հուսահատ դենքով,  
Իմ անճա՛ր եղբայր անճա՛ր մոր գավակ.  
Դու խաչ ես հանվում չարախիհնդ երգով,

Օ՛, արևելքի ծաղրված նահատա՛կ:

Ա՛հ, սև տեսիլներ... ողբո՛ւմ եմ անգոր,  
Եվ ջերմ կարոտում վառ լուսաբացին.  
Շո՛ւտ ծագիր, արփի, հասի՛ր, պայծառ օր,  
Գուցե, դուք վերջ տաք իմ սուգ ու լացին...